

ВОЛОНТЁРЛИК ФАОЛИЯТИ – САХОВАТ ТИМСОЛИ СИФАТИДА

Мунарова Р.Ў. Амалий психология

факультети катта ўқитувчиси,

Абдумуминова Г.О. 2 курс талабаси

Жиззах давлат педагогика институти

Аннотация. Ушбу мақолада волонтерлик фаолияти хақида сўз боради.

Ўзбекистонда кўнгиллиларни ривожлантиришнинг концептуал ва қонунчилик асослари таҳлил қилинди. Кўнгиллиларнинг айрим йўналишларининг хусусиятлари ва ушбу соҳадаги давлат сиёсати кўриб чиқилди.

Калит сўзлар: волонтёрлик (кўнгиллилик), кўнгиллилик, кўнгилли фаолият, муоммо, педагогик – психологик асос, қонун.

Annotation. This article is about volunteering. The conceptual and legislative foundations for the development of volunteering in Uzbekistan are analyzed. The features of some areas of volunteering are considered, as well as state policy in this area.

Key words: volunteering, volunteering, volunteer activity, problem, pedagogical - psychological basis, law.

Бизга маълумки Волонтёрлик фаолияти тўғрисидаги Ўзбекистон Республикасининг қонуни Қонунчилик палатаси томонидан 2019 йил 6 ноябрда қабул қилинган, Сенат томондан 2019 йил 30 ноября маъқулланган. Ушбу қонунда волонтёрлик, волонтёрлик фаолияти, вонтёрлик акциялари, волонтёрлик ташкилотлари ва волонтёрлик мақсад ва вазифалари белгилаб берилган.

Инсонларга имконқадар ёрдам бериш, мушкулини, ёки муоммосини ҳал этишга қўмаклашиш, яхшилик қилиш ёки саховат кўрсатиш бугунги куннинг долзарб муоммоларидан биридир. Ушбу муоммога педагогик – психологик жиҳатдан ёндошган ҳолда ўрганиш мухим масалалардан бири ҳисобланади. Бунинг учун талабалар орасида волонтёрлик фаолиятини самарали ташкил

этиш ва фаоллаштиришнинг психологик – педагогик асосларини яратиш жоиздир.

Сўнги йилларда тилимизда ва адабиётларда волонтёр, волонтерлик фаолияти каби атамалар тез - тез учраб турибди. Хўш волонтёр ўзи ким?

Ушбу саволни жавобини тўлақонли изоҳлаш мақсадида луғатларга мурожаат қиласиз.

Волонтёр (фр. volontaire) - доброволец; лицо, добровольно поступившее на военную службу.¹ **Волонтёр** француз тилидан олинган бўлиб, фр. volontaire) - кўнгилли; ҳарбий хизматга кўнгилли киришувчи деган маънони англатади.

Волонтёр – волонтерлик фаолиятини амалга оширувчи жисмоний шахс.

Волонтёрлик – фуқаролар, уларнинг гурухлари ёки волонтерлик ташкилотлари томонидан жисмоний ва юридик шахсларнинг манфаатларини кўзлаб ихтиёрий фаолиятни амалга ошириш.

Волонтёрлик фаолияти – жисмоний ва юридик шахсларнинг манфаатларини кўзлаб бепул асосда амалга ошириладиган, эркин хоҳиш – иродага кўра бажариладиган, ижтимий жиҳатдан йўналтирилган, жамоат учун фойдали бўлган ихтиёрий фаолият.

Волонтерлик фаолиятининг тарихига назар солсак, узоқ ўтмишга бориб тақалади. Кимгадир чин кўнгилдан самимий ёрдам бериш хаттоки зардӯшилик динининг китоби Авестода ҳам айтиб ўтилган. Авестода эзгу сўз, эзгу фикр, эзгу амал каби аҳоқий тушунчалардан ҳам пайқаш мумкинки, ўша пайтларда ҳам волонтерлик тушунчасига хос бўлган инсонларга самимий чин юракдан, беминнат, беғараз ёрдам бера олишлик энг олий фазилатлардан бири бўлган.

Алишер Навоий улуғ саховатпеша инсон бўлганини биламиз ўнлаб олиму шоирлар, санъаткорларга ҳомийлик қилган, юзлаб кишиларга моддий ёрдам берган, қанчадан – қанча ноёб асарларнинг дунёга келишида илҳом ва

¹ Словарь иностранных слов под ред. И.В.Лёхина и проф. Ф.Н. Петрова М. 1955 Г. стр 143

куч бағишиллаган, истеъдод соҳибларини қаноти остига олиб, тарбиялаган. А.Навоий яна кўплаб мадрасалар, мақбаралар, ҳаммом ва тегирмонлар, боғлар барпо этган. Умрининг охирида эса қолган барча мулкини маърифат масканларига вақф қилиб қолдиришни васият этди. У ўз ғояларини ўзи ҳаётга татбиқ этиб, тарихда энг улуғ ҳомий номини олди.

Дарҳақиқат, биз мазкур мавзууни ёритишда тарихга назар ташлаб буюк саховат тимсоли бўлган Навоийнинг қилган саховатпеша ишларидан бошламадик. Бугунги кунда ҳам инсонлар орасида кимгадир ўзининг яхши сўзи, яхши фикри ва яхши амали билан сидқидилдан ёрдамлашаётганлар бисёрdir.

Волонтёрлар – ижтимоий ишларнинг асоси ҳисобланади. Талабалар орасидан кўнгилли волонтёрларни танлаб олиш ва уларга волонтёрлик фаолиятининг мазмун-моҳиятини тушунтириш ва самарали ташкил этиш лозим. Волонтёрлар кишиларга қисқа вақт ичида инсонларга ишонч, умид уйғотиши мақсадида турли психологияк тренинглар уюштирадилар, уларга моддий, маънавий ёрдам бериш, уларда ҳаётга бўлган ишонч туйғусини уйғотиши мақсадида турли хашарга ўхшаш мақсадли ёрдам бериш ҳар бир волонтёрда альтруизмни шаклантиришга сабаб бўлади.

Ижтимоий муҳофазага эҳтиёжи бор шахсларни топиб, уларнинг ҳаёт тарзини ўрганиб, уларнинг турмуш тарзини психологик, моддий ва маънавий жиҳатдан ўзгартириш лозим. Ногиронлиги мавжуд бўлган болаларга (богча ёшидаги, мактаб ёшидаги) соғлом турмуш тарзи кўникмаларини шакллантириш мақсадида улар билан индивидуал ва груҳ шаклида турли бепул маданий тадбирлар ташкил этиш, уларга руҳий ва моддий ёрдам бериш мақсадида турли хунарларни ўргатишдан иборат. Масалан тўқиши, тикиши, расм чизиши, турли нарсалар ясаш, салатлар, шириналар, тансиқ таомлар пишириш, кераксиз, ёки эскирган, истеъмолдан чиққан буюмлардан керакли буюмлар яратиш ва бошқалар. Нафақадаги инсонларнинг (масалан устозлар, врачлар ва боқалар) уйларига ташриф буюриб уларга ёрдам бериш, вақтни мазмунли

үтказишига ёки фойдали иш билан шуғулланишлари (бог ишлари, ховлидаги ишлар, бозор ўчар ишларига) учун кўмаклашиш лозим.

Мехрибонлик уйлари, Қариялар уйлари, махсус интернатларга ташриф буюриб, уларга сидқидилдан ёрдам бериш.(Маънавий, маданий, психологик ёрдам бериш ва уларга ўзлари тиккан ёки тўқиган кийимлар, ёки ясаган нарсалардан ва бошқалардан олиб бориб бериш.) Шу билан психологик, маънавий ва хатто иқтисодий самарадорликка ҳам эришиш мумкин. Асосийси ёрдам олаётган ҳар қандай инсон ўзининг жамиятда тўлақонли шахс ва инсонлар учун керак эканлигини руҳан ҳис қилишлари учун муҳим ҳисобланади.

Бугунги кунда айниқса бутун дунёда кечеётган короновирус пандемияси даврида айниқса волонтёрлар хизмати сезиларли намоён бўлмоқда. Улар шундай корантин даврида инсонларга сидқидилдан ёрдам беришмоқда, яъни эҳтиёжманд оиласарга озиқ-овқат, дори дармонларни етказиб беришда жонбозлик кўрсатмоқдалар. Ўзбекистонда ҳам саховатли инсонлар бисёр, улар кишиларга ҳар томонлама кўмак бериб келишмоқдалар, турли хайриялар ўюштирилмоқдалар.

Ушбу мавзууни А.Навоийнинг қуидаги мисралари билан тугатсак мақсадга мувофиқ бўлади.

Ганж бериб бўлмас экин тутса қўз,

Улча қилур вақтида бир яхши сўз.

Яъни баъзида бир яхши сўз юз ганждан фойдалироқдир.

Мурувват барча бермақдур, емак йўқ,

Футувват барча қилмақдур, демак йўқ².

Яъни: саховат фақат мол – мулк ошиб – тошиб ётганда, бирорга ҳиммат қилиш эмас, балки борини баҳам кўриш. Бой савоб тамаъида инъом этган

² А.Навоий “Ҳайратул аббор” достони.

бўлса, дарвеш бутун вужуди билан сахий бўлгани учун шундай қилади³. Бундайларни Навоий “сахийи жибиллий”, яъни асл зотида саховати бор кишилар, одамийлар одамийси деб атайди.

Демак, волонтёрлик фаолиятини ташкил этиб инсонларга кўмак бериш учун талабаларда психологик - педагогик билимга эга бўлиши лозим. Ёш волонтёрларни тайёрлаш ва уларнинг фаолиятини мақсадли ташкил этиш лозим.

Фойдаланилган адабиётлар

1. А.Навоий “Ҳайратул аброр” достони.
2. Н. Комилов. Хизр чашмаси. Т: “Маънавият”, 2005 й.15 бет.
3. Словарь иностранных слов под ред. И.В.Лёхина и проф. Ф.Н. Петрова М. 1955 Г. стр 143

³ Н. Комилов. Хизр чашмаси. Т: “Маънавият”, 2005 й.15 бет.